

## حكايتنا من البدايه

حكايتنا من البدايه  
وكلامنا في النهايه  
كان ليه بنسيب قلوبنا  
ونسينا ليه ف حياتنا  
كان ليه ماليها الخوف  
كله من غير حروف  
تغرق في بحور عذابنا  
إن احنا عليها ضيوف

### حكايتنا من البدايه كان ليه ماليها الخوف

حلمنا ضاع من ايدينا  
وغرقنا في دموع عينينا  
ياريتنا كنا رضينا  
ولا كنا قتلنا فينا  
والعشره هانت علينا  
وبنلوم عالظروف  
بقسوة جراح ماضينا  
قلب ف يوم كان عطوف

### حكايتنا من البدايه كان ليه ماليها الخوف

صعبنا ليه الحياه  
بعويل وصراخ وآه  
الندم بايه يفيدنا  
م اللي زرعناه بايدنا  
بنشكي واحنا الجناه  
على دقة الدفوف  
والشوك مالي طريقنا  
مكتوب بحسره وخوف

### حكايتنا من البدايه كان ليه ماليها الخوف